

## Gwaith cartref – Uned 14



### 1. Cyfieithwch:

i. *I know that you are the boss.*

ii. *I think that red is the colour of the car.*

iii. *I'm sure that Wales is the best team!*

iv. *I know that he is the driver.*

### 2. Atebwch (gan ddefnyddio taw)

i. Pwy yw'r canwr gorau?

ii. Beth yw mynydd ucha Cymru?

iii. Pwy yw eich Aelod Seneddol chi?

iv. Pa un yw'r orsaf drên agosa i'r dosbarth?

### 3. Ysgrifennwch lythyr (tua 100 gair)

i. Atebwch y llythyr yma:

Theatr y Bont

Llanaber

Annwyl Gyfaill,

Fel dych chi'n gwybod, mae Theatr y Bont wedi agor yn y dre o'r diwedd. Mae'r theatr yn ysgrifennu at bobl yr ardal yn gofyn am eu barn. Pa fath o bethau hoffech chi eu gweld yn digwydd yn y theatr? Fasech chi'n barod i gymryd rhan neu helpu?

Diolch am eich cefnogaeth.

Ifor Evans (Rheolwr y Theatr)

neu:

ii. Dych chi'n trefnu trip i'ch ffrindiau er mwyn mynd o gwmpas yr ardal lle gaethoch chi eich geni. Ysgrifennwch at eich ffrindiau'n dweud beth ydy'r trefniadau.

neu:

iii. Dych chi wedi cael swydd newydd. Ysgrifennwch at eich pennaeth presennol yn esbonio pam dych chi'n gadael.

neu:

iv. Fyddwch chi ddim yn cael parcio yn ymyl eich coleg lleol o'r flwyddyn nesa ymlaen. Ysgrifennwch at bennaeth y coleg i gwyno am hyn.

### 4.

Dych chi wedi clywed am y rhaglen deledu boblogaidd *Dr Who*? Mae Tardis gyda *Dr Who* – hen flwch glas sy'n gallu mynd â fe a'i ffrindiau yn ôl neu ymlaen mewn amser. Meddylwch ble basech chi'n hoffi mynd yn ôl (neu ymlaen), yna ysgrifennwch baragraff o stori gan ddechrau: "Amser maith yn ôl..." neu "Ymhell yn y dyfodol..." a gorffen "...A dyna ddiwedd y stori".

5. Darllenwch y ddwy neges ebost:

Oddi wrth: Delyth Mair

At: Mr Evans

Testun: Cwrs Sbaeneg

Annwyl Mr Evans,  
Roedd rhaid i fi ysgrifennu atoch chi am y cwrs Sbaeneg sy newydd orffen yn eich coleg chi. Dyma'r trydydd cwrs i mi ei ddilyn yn eich coleg chi a dyma'r gwaetha, o ddigon. Mi es i ar y cwrs achos bod fy merch i'n meddwl mynd i fyw yn Madrid, a phan welais i'r hysbyseb ar y wal yn y coleg, ro'n i wrth fy modd. Fel arfer, dw i'n mynd i'r bingo ar nos lau, ond penderfynais i fod rhaid dysgu Sbaeneg eleni. Fodd bynnag, do'n i ddim mor hapus gyda'r tiwtor, Pedro Gonzalez. Roedd y bobl eraill yn y dosbarth yn hyfryd, ond roedd Pedro'n ofnadwy. Roedd o'n hwyr i bob gwers, doedd o byth yn marcio'r gwaith cartre ac roedd o'n siarad Sbaeneg drwy'r amser heb esbonio dim. Erbyn diwedd y tymor, dim ond tri ohonon ni oedd ar ôl allan o ddosbarth o bymtheg.

Dw i'n gwybod eich bod chi'n dibynnu ar staff rhan-amser i ddysgu, ond dw i ddim yn credu bod Señor Gonzalez yn addas i ddysgu dosbarthiadau oedolion. Dw i'n edrych ymlaen at glywed sut byddwch chi'n delio â'r mater, neu bydda i'n mynd yn ôl i'r bingo bob nos lau.

Diolch yn fawr,  
Delyth Mair

Oddi wrth: Mr Evans  
At: Delyth Mair  
Testun: Cwrs Sbaeneg

Annwyl Delyth Mair,  
Diolch yn fawr am eich neges. Mae'n ddrwg gen i glywed eich bod chi ddim wedi mwynhau'r cwrs Sbaeneg. Roedd y coleg wedi cael cwynion am Mr Gonzalez o'r blaen, ac wedi trefnu bod staff profiadol yn mynd i'w weld yn dysgu, felly mae'n ddrwg gen i glywed bod y broblem wedi para. Mae'n dda gen i ddweud bod Mr Gonzalez wedi mynd yn ôl i fyw yn Sbaen, erbyn hyn. Yn anffodus, fedrwn ni ddim cynnig eich ffi yn ôl i chi, ond mae'n bosib i chi fynd ar gwrs arall yn y coleg y flwyddyn nesa, a dim ond hanner can punt fydd y gost (yn lle'r can punt arferol). Dw i'n edrych ymlaen at eich gweld mewn dosbarth arall ym mis Medi.

Yn gywir,  
Mr Evans

Nodwch yr ateb mwya priodol (*appropriate*) o'r brawddegau isod drwy roi llythyren yn y blwch, e.e. ch. Mae 4 marc am bob cwestiwn.

1. Prif reswm Delyth Mair dros anfon y neges yw...

- a. diolch.
- b. cwyno.
- c. siarad am ei theulu.
- ch. siarad am ei gwaith.
- d. gofyn am help.

2. Roedd Delyth Mair yn gwybod am y cwrs ar ôl...

- a. gweld poster yn y coleg.
- b. siarad â ffrind yn y bingo.
- c. cael neges ebost.
- ch. mynd ar wefan y coleg.
- d. siarad â'i merch.

3. Y brif broblem oedd...

- a. y noson.
- b. gwaith cartre anodd.
- c. y dysgwyr eraill yn y dosbarth.
- ch. siarad yr iaith.
- d. y tiwtor.

4. Fydd hyn ddim yn broblem eto, achos...

- a. mae staff eraill yn mynd i wylïo'r dosbarth.
- b. mae llai o bobl yn y dosbarth.
- c. mae llai o waith cartre.
- ch. mae'r tiwtor wedi gadael.
- d. mae'r coleg yn cymryd cwynion o ddifri.

5. Bydd y coleg yn...

- a. talu ffi'r cwrs yn ôl i Delyth Mair.
- b. rhoi cwrs arall iddi am hanner pris.
- c. rhoi £25 iddi.
- ch. stopio cynnig cyrsiau Sbaeneg o hyn ymlaen.
- d. diswyddo'r tiwtor.

Gair gan y tiwtor:

.....

.....

.....